

[“ *Mining Act Amendment Act, 1892.*”

*Hon. Mr. Seddon.*

TURE WHAKATIKATIKA I TE TURE MAINA.

5. I runga i te whakawakanga o te take o te wehewehenga ranei i tetahi poraka whenua Maori ka ahei te Kooti Whenua Maori i runga i te tonono a te Kawana i runga hoki i te whakaae o te nuunga o nga Maori whai take, ara te whakaae, i roto i te Kooti e puare ana ka ahei te Kawana te ki kua tukuna taua whenua kia te Kuini hei mahi maina i runga i nga tikanga e whakaaetia ana ki waenga i te Kawana me nga Maori whai take.

A i runga i taua tonono ka ahei te Kooti i muri iho o te tukunga o te panui ki roto i te *Kahiti* i runga ano i te whakaae kua kiia ake nei te ki kua oti te tuku tetahi poraka whenua Maori tetahi wahi ranei o tana poraka kua oti i mua atu te whakawa me te wehewehe kia te Kuini mo nga mahi me nga tikanga kua kiia ake nei.

A ka oti tetahi ota pera te hanga ko te whenua e whakaaturia ana e taua ota ka puritia i muri iho e te Kuini mo te wa mo nga mahi hoki i runga ano i ia tikanga e mau ana i roto i taua ota.

6. Ko nga mana me nga take kua riro i te Kawana mo te taha kia te Kuini i raro i te tiiti tuku o te Poraka Mahi Koura i Ohinemuri a i tuhia i te tekau ma waru o nga ra o Pepuere kotahi mano waru rau whitu tekau ma rima pera ano me nei te panui i roto i te *Kahiti* o te Kawanatanga Porowini o Akarana o te waru o nga ra o Hurae kotahi mano waru rau whitu tekau ma rima e kore e whakahokia iho nga take a te Kawanatanga i runga i te whakakorenga o te take Maori i te tukunga ranei o tetahi Karauna karati tetahi atu pukapuka take ranei mo tetahi mo etahi wahi whenua ranei e mau ana i roto i taua *Kahiti* a ko taua tiiti tuku ka kiia a kua kiia hoki kua tuturu ona tikanga ki runga i nga tangata katoa o ia ahua i runga ano i te tika me te whakamaramatanga o ona tikanga.